

Kalaallit Nunaanni pinngortitamik allanngutsaaliuineq pillugu Inatsisartut inatsisaata allannguutaa pillugu Inatsisartut inatsisaat

§ 1.

Kalaallit Nunaanni pinngortitamik allanngutsaaliuineq pillugu Inatsisartut inatsisaat nr.11 12. november 1980-imeersoq ima allanngortinneqassaaq:

1. § 15 peerneqassaaq, taarsiullugulu ikkunneqassalluni :

"§ 15. Nunap immikkoortuata Avannaata Tunullu ilaa nunap ilaatut al1anngutsaaliugassatut innimigisassanngortitaavoq (nationalpark) nunap ilaata taassuma pissusivigisamisut ittuinnarsinnaanissaa siunertaralugu.

Imm. 2. Nunap allanngutsaaliukkap kujammut killeqarfia imaappoq: Tunngavittut killeqarfiup 3 sømil-imik kangianit kimmorluinnaq Kap Biot-imut (71°55' N/22°32'-V). Tassanngaannit Rossily Bjerg-imut (qutsissuseq 770), Rollier Bjerger (qutsissutsit 848 aamma 935), Claudius Clavius Bjerger (qutsissutsit 910, 1148, 960 aamma 1010), Vestkronen (qutsissuseq 1140), qutsissutsit 1190, 1407 aamma 1260, tassanngaannillu kimmorpiak 200 m-imik qatsissutsimi Schuchert Dal-ip kimmut sammernanganut (71°51'N/24°21' V) , tassanngaannit portussutsit taakku malittaralugit portussutsinut Stormpynt-ip avannaata tunginnguanut Nordvestfjord-ip avannamut sineriaanut (71°27'N/25°27'v) . Tassanngaannit sineriaak atuarlugu (71°34'30"N/26°10'V-mut aamma ingerlaqqilluni kujammut Nordvestfjord qarsullugu portussutsimut 2200 sumiiffimmi 71°24' 45"N/25°13 ' V , portussuseq 1900 (71°21'-N/26°14'V), portussuseq 630 (71°09'30"N/27°46'V) Eiel-son Gletscher-ip kangiani, portussuseq 1210 (71°06'N/28°01'V), sumnffik 71°00' N28°50' V , aamma sumnffik 71°00'N/44°00'V) . Tassanngaannit killeqarfiup atuarpaa allorniusaq kimmukartoq 44°, sumiiffik 78°00'N/44°00 ' V tikillugu, tassanngaannillu killeqarfik Avanersuaq kommune-p killeqarfiata avannamut-kangimut killeqarfia atualerlugu Petermann Gletscher-ip avataani immaatigut killeqarfik tikillugu.

Imm. 3. Kiisalu aamma allanngutsaaliukkamut ilaasutut naatsorsuunneqarput taama killeqarfittut nalunaarsorneqartut akornini ittut imartat."

§ 2.

Inatsisartut inatsisaat atulersinneqarpoq 1. januar 1989.

Kalaallit Nunaanni Namminersornerullutik Oqartussat, ulloq 9. november 1988.

Jonathan Motzfeldt

/

Lars Vesterbirk

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut